

38

VICTORIA

SERENISS. POLONIAE RE-

gis contra Vayeuodam Muldauiae,

Turcae tributarium &

subditum,

xxii. Augusti parta.



PARISIIS

Excudebat Christianus Wechelus, in vico

Iacobæo, sub scuto

Basiliensi.

1 5 3 1

IOANNES DANTISCVS. C. EPISCOPVS

Culmens. Serenissimi Poloniae Regis Orator, Reuerendissimo in
Christo Patri, domino Stephano Gabrieli, Patriarchæ
Indiarum, Archiepiscopo Barrensf. Episcopo
Giennens. Cæs. Ma. à Consilijs Secretis.



Vper ornatissime Præsul, quum nos multæ eruditionis
& candidi ingenij uir, eximius D. Alphonsus Valdesius
Cæs. Ma. Secretarius, unâ cum Clarissimo Viro D.
Francisco De los Conos in regno Legionis Hispaniæ
Equitum Diui Iacobi Commandatore maiore, Cæs. Ma.
primario Secretario, & Consiliario: Et Illust. D. Francisco de Bona-
dilla Archidiacono Toletano, Celeberrimi Salamancici gymnasij Cancel-
lario, iuvene supra atatem Græcè & Latinè doctissimo, Apiciano illo
prandio lautissime accepisset, & perhumanè tractasset, quæsiuit à me
P. T. Reuerendissima quibus modis felix illa uictoria in mense Augu-
sto præterito serenissimo domino meo contra Valachum Ducem Mula-
dauiæ (hunc incolæ Vayeuodam uocant) cecisset, petens a me ut rei ge-
stæ seriem tibi darem conscriptam, quò pro ea obseruantia qua Sere-
nissimos Regem & Reginam Poloniae prosequeris, hæc tam ampla &
à Deo data, excellens uictoria, quæ iam per uicinas regiones diuulga-
ta est undiq; etiam per omnem uestram Hispaniâ orbis Christiani para-
tem felicissimam, & ad alias exteras nationes diffunderetur, unde
Christiani principes simili exemplo in religionis nostræ hostes incitarẽ-
tur: quod tuum desiderium, quum ex incomparabili tua prudentia, &
exactissima magnarum rerum experientia in quibus uersatus es sem-
per, profectum esse cognoscerem, non potui non plurimum probare,
confestimq; ut illi satisfaceret, animum adieci, & in compendium totam
huius faustissimæ uictoriæ historiam redactam, tibiq; dicatam, typis excu-
di curavi. Proinde quæ scripta tibi à me dari postulasti, ut formulis ex-
pressa quæ facilius legi possunt, grato animo accipias oro. Si quid aliud
est quod præstare possum, tu præscribe, mihi iussa capeffere fas est.
CHRISTVS Opt. Max. P. T. Reuerendissimam sospitet quàm
diutissime, & prosperet in omnibus.

Ex Bruxellis.

VICTORIA

SERENISS. PRINCIPIS ET DOMINI, Domini Sigismūdi eius nominis primi, Regis Polonię, magni Ducis Lituanię, Russię, Prussię ac Magonię &c. Domini & heredis, cōtra Vayuodam Muldauię, olim Dacię, Turcę tributariū & subditū, cui subest Valachia, Mysię inferioris pars ad flumē Tyram influēs pontū Euxinū, quę à Deo data fuit terna in mense Augusto præterito, & cōsummata xxii.

die eiusdem mensis. An.

Dñi M. D. XXXI.



Ayeuoda Muldauię & prædecesores eius, vt perfidorū mos est, nihil vnq̃ longo iā tēpore, Regibus et regno Polonię qđ tenebātur, præstiterūt: cui ipse Vayuoda innixus, hyeme præterita, præter omnē expectationē fœderibus et iuramētis quę fecerat neglectis, nullaq̃ hostilitatis denūciatione præmissa, prouinciā regni Polonię Pokuczię nūcupatā, fide & honore posthabito, occupauit. Quā iniuriā quū Ser. Polonię rex diutius ferre nō posset, exercitū selectorū mercenariorū militū ex regno suo cōparauit & cōscribi iussit, opa magnifici Domini Ioānis Comitis de Tharnovv, Palatini Russię & exercituū regni Polonię Capitanei generalis,

A ii viri

V I C T O R I A

viri in militaribus clarisq; aliis in rebus præstan-
 tissimi, quæ ille variis in locis, ne hostis certū nume-
 rū scire posset, collegerat & disposuerat, & nō mul-
 to ante festum Sancti Iacobi ad loca quæ præfidiis
 hostis firmata erāt, admoueri iusserat. Cōstabatq;
 totus ille exercitus eq̃tibus, præter 300. pedites, qui
 machinis & bōbardis erāt addicti. Ex his equiti-
 bus ipse Capitaneus generalis præmisit 2000. & ali-
 quot cēturias equitū, q̃ præter Valachorū sp̃e et sci-
 entiā variis in locis prouinciā illā Pokuczia ad-
 orirētur. Valachorū ibidē in præfidiis erāt fortassis
 1400. bello apti, præter aliā colluuiē. Poloni mili-
 tes mādāta Capitanei strenuē exequētes, non vna
 ex parte eā prouinciā inuasērunt, cōfligētes cū ho-
 stibus multos trucidarūt, & nō paucos viuos cepe-
 rūt, inter quos erāt pleriq; ipsius Valachi familia-
 res & aulici, atq; in duobus diebus totā illā prouin-
 ciā recuperarūt, p̃ter castrū quoddā Gvvoſdziecz
 qd̃ cuidā nobili Polono Thvvorovvski nūcupa-
 to fuerat adēptū: hoc tamē etiā paulopost obsidē-
 tes, in potestātē suā redegerūt, & illi quēdā præfe-
 ctū militū Vlodek nomine p̃fecerūt. Pauci ex illa
 Polonorū irruptione, Valachorū qui superfuerāt,
 euasere in Valachiam. Huic victoriæ Capitaneus
 generalis, Comes de Tharnovv non interfuit, sed
 cū potiore exercitus parte rerū euētum nō procul
 p̃stolabat. Victorię verò nūciū cū q̃busdā captiuis
nobilis

P O L O N I C A .

nobilis quidā iuuenis Spitek de Tharnovv Sereniff. Poloniae Regi Cracoviam apportavit. Paulo post appulit etiā ad Sereniff. Ma. Regiā generosus Dominus Hieronymus Schaffranyecz, qui plurimos ex ea victoria captivos attulit, hiq; hinc inde per Castra Regia habēt distributi. Post hāc acceptā cladē Vayeuoda Valachus percitus, omnes quas potuit suorū copias cōgessit, & in tres exercitus diuisit, eratq; numerus omniū supra viginti milia: cū his in provinciam Pokuczie perueniēs, 6000. equitū ad recuperandū castrū Gvvołdziecz trāsmisit. De quo certior factus Comes de Tharnovv, Capitaneus generalis, maturē cū toto suo exercitu & his qui ultro se adiūxerāt, ad succurrēdū obsessis & castro affuit. Hoc vidētes Valachi, 19. Augusti præteriti cū exercitu Polono manus conseruerunt. In eo cōflictū, cū dei adiutorio Poloni superiores facti, Valachorū illa 6000. profligarūt, & in fugā verterūt. Multi illorū cæsi, capti q; plurimi, et præsertim de illis qui ipsius Vayeuodæ curiæ inserviūt. Hāc suorū stragē, quā à duobus suis Capitaneis qui ex prælio profugerāt Vayeuoda audiuiſſet, cōmotus iussit illis āputari capita, sed aliorū precibus victus, catenis ferreis vinctos custodiæ mādauit. Hæc est Valachorū cōsuetudo, vt eos omnes qui ex pugna euadētes domū reuertūtur, suppliciis grauioribus q; si in bello cecidissent affici-

VICTORIA

ant. Hinc fit vt in cōfligēdo multis aliis nationibus sint ferociores. Accēsus itaq; Valachus ira pariter & pudore, ipse in persona cū suis ōnibus, Polonos septos castris, vt eorū mos est, curribus & vallis factis, cū multis magnis bellicis tormentis quę secū duxerat aggressus est. Quūq; Poloni sic cincti, nō excedētes sextā partē numeri militū quę secū habuit Valachus, vim globorum vlterius ferre nō possent, prioribus victoriis animati, & ope diuina adiuti, extra vallū in ordinibus suis profilientes prælium cōmiserunt, & cum hostibus de perfidia exostulantes & certātes, ad quinq; horas sine intermissione cōseruerunt manus, illosq; ad internicionem vsq; prostrarunt. Nāq; præter multa alia milia cæsorū Vayeuoda ipse fugiens, duobus vulneribus est affectus, tormenta bellica magna quinquaginta, cū pulueribus, globis, curribus onerariis, & toto cōmeatu capta. Inter quę fuerant quædam ante 34. annos Polonis, & superioribus annis ipsis Transsylvanis Hungaris adempta. Itē duo vexilla maiora & principaliora, tympana, & multa alia bellica apparamēta. Quæ omnia facta sūt xxii. Augusti præteriti. Poloni prosequentes victoriā, insequuti sunt fugiētes Valachos per miliare Germanicum vnum & dimidiatum, trucidantes & plerosq; de nobilioribus viuos capientes. Fuit cæsorū ingēs numerus, & inter eos
multi

POLONICA.

multi de primoribus Valachi reperti . Hoc lætū
victoriæ nuncium attulit Serenissimo Poloniæ
Regi quidam præfectus militū , nomine Szvvien-
eczicki 29. Augusti Cracouiã. Postero die missus
à Comite de Tharnovv, Capitaneo generali qui-
dam iuuenis nobilis nomine Sbigneus Szienyen-
ski quosdam Sereniss. Ma. Regiæ etiam captiuos
attulit. Et inde alius præfectus militum Iaslovvi-
eczki duxit secum magnum captiuorum nume-
rum, inter quos est qui dicitur sermone Valacho
Glogofet, quod est apud illos supremi Cancellarii
nomen . Item & pocillator seu pincerna & stru-
ctor mensæ, cum plerisq; aliis ipsius Valachi offi-
cialibus. In summa nihil aliud ex eo conflictu se-
cum q̃ duobus vulneribus faucium corpus aspor-
tauit Valachus , qui non immeritò perfidiæ suæ
sic dedit pœnas . Hic tantus timor suos in Vala-
chia inuasit, vt multi in Hungariam & Muldavi-
am quotidie cum bonis suis profugiant. CHR I-
STO Domino sit honor & gloria, atq; ònis gra-
tiarum actio, qui Serenissimum Poloniæ Regem
quàm diutissimè contra crucis suæ hostes viuere
& triumphare concedat. Amen.

Excerpta est hæc victoriæ historia ex ipsis Sereniff. Poloniæ Regis litteris, & quorundam qui omnia magis peculiariter scripserunt.

Datum Bruxellis, in curia Cæsa. Ma. 24. Septem.

An. Dñi. M. D. XXXI.

Per R. D. Ioannem Dantiscum, C. Episcopum Culmensẽ, Oratorem ipsius Serenissimi Regis.

Hilarii Bartelephi Ledæi

Epigramma.

Clara Sigismundi cui non victoria Regis

Audita est? cui non spesq; animosq; facit?

Et cunctamur adhuc? neq; nos vel suada monentis

Dantisci toties, vel pia musa mouet?

Si ter de fidei sic hostibus ille triumphat,

Et bis dena Dei millia sternit ope,

Quid faceret, si tota suos resp. Christi

In Turcam Reges mitteret vnanimis?